

بِسْمِ اللَّهِ الرَّحْمَنِ الرَّحِيمِ

# KHUTBA JUMMAH

HAZRAT MUHYI-UD-DIN AL-KHALIFATULLAH

*Munir Ahmad Azim*

16 Octobre 2015 ~  
(02 Muharram 1437 Hijri)

**(Résumé Khutba)**

**Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite contigne deuxième partie de so Khutba lors « *Khidmat-e-Khalq* »:**

*Alhamdulillah, Summa Alhamdulillah, Allah (swt) fine donne moi le Tawfeeq pou mo continue mo 2<sup>ème</sup> partie du Khutba Jummah ki mo ti faire semaine passé.*

Mo conseil à tous bane membres du Jamaat Ul Sahih Al Islam du monde entier (kot-kot nous ena nous Jamaat) et aussi ene conseil à tous musulmans et aussi bane Ahmadis, ki kan ou tanne le sujet de moralités, de bane morales, et pé cause lors excellent comportement, faudré pas ou penser ki tous dimounes pou tender et zot pou faire zot propre reforme. Au contraire ena certain valeur morales ki le Jamaat bien bizin protéger. Et faudré pas ki ou reste indifférent kan ou trouve ene membre du Jamaat Ul Sahih Al Islam pé faire quelque chose de mauvais.

Ena bane dimounes du Jamaat kan zot cause avec les zot dimounes ki pas dans nous Jamaat et surtout pendant mo l'absence, zot cause bane causer, ki même arriver zot dépasse tous limites; zot la langue batté même, aller même, couma nous dire ki la langue péna le z'os, li batter couma li envie. Donc sans zot réaliser zot mette le Messenger d'Allah dans bane situations bien difficile et banes les autres dimounes là, zot croire dans sa dimounes là; sa li bien grave kot zot pé fanne ene mauvais l'odeur et sa pé repenne partout et sa mauvais l'odeur là vine lors le Jamaat aussi et lors le Messenger d'Allah sans li au courant de céki sa bane kalités dimounes là fine causer et l'heure là même, sans ki li conner ki fine passer, partout dimounes pé cause sa bane causer là avec tous so zépisse et massala, et alors sans ki ou conne ene causer ki pas fondé lors la vérité, sa alle polluer l'océan nette.

Donc tous bane prophètes fine victimes de bane situation pareil. Si arriver ou trouve ene quelqu'un du Jamaat Ul Sahih Al Islam ki pé commette ene action ki capave amène li et so famille dans difé, si ou trouve ene tel zaffaire et ou pas faire narien, ou dormi en paix et ou reste indifférent avec sa, bé sa veut dire ki ena ene différence, ene manquement dans ou *Imaan*. Si li coumsa, bé sa veut dire ki ou pas fine comprend le décret d'Allah, pour ki raison Li fine tire ou de l'autre côté, pou mette ou parmi bane premiers ki fine reconnaître so Messenger Choisi de sa siècle là avec ene Jamaat d'Allah, kot ou chanceux ki ou dans la Manifestation Divine, et sa pou graver dans l'histoire ene jour, kot nous bane future générations pou faire bane recherches et aussi zot pou ene dimoune honorable devant nous Allah ki zot fine reconnaître So messenger ki Li fine envoyer, fine élève li avec ene Jamaat et rempli avec bane manifestations divines et c'est nous ki Allah (swt) fine donne nous sa l'honneur là pou faire revivre bane vraies l'enseignement de l'Islam ki fine bafouer et piétiner dans la main de sa bane soi-disant Mullahs là.

Donc accompli ou *Ibaadat* avec sincérité, avec amour. Et c'est seulement à travers vrai connexion avec Allah (swt) ki capave gagne sa. Lerlà faire le voyage vers l'humanité, pareil couma Hazrat Muhammad (saw) fine faire li en terme de: « *Danna Fatadallah* », li fine approche Allah et ensuite li fine courber vers la terre. Et dans sympathie pour l'humanité et pou éloigne zot bane mal li fine dédier so bane *duah* et so bane zéffort et li fine montrer so propre l'exemple pour sa.

Et de sa façon là ki doucement, doucement fine ena sa grand révolution spirituelle là dans Makkah et Madina. Ene révolution ki ti ena pou change le destin du monde entier. Li ti ene tel moment ki ti ena ene lotte l'époque ki attacher are li. Et sa l'époque là c'est l'époque de bane « *Aakhireen* ». Ene l'époque kot pé ré-ena bane révolution spirituelle ki Hazrat Muhammad (saw) ti amené. Et sa révolution là pou ena lieu. Personne pas pou capave change sa. Mais sa bane malchanceux là, ki vine couma ene obstacle dans chemin de sa révolution là, zot dire ki zot là-dans, zot dans sa Jamaat là, mais zot crée bane piquants dans sa chemin là et zot crée l'enfer pou zot et pou zot bane enfants. Bé bien bizin faire reforme de sa bane dimounes là, non seulement de loin, à travers bane conseils, mais bizin surveille zot de près.

Alors bane Amirs du Jamaat Ul Sahih Al Islam ki trouve dans bane les zot pays avec zot Managing Comittee bizin faire ene Comité Urgent pour forme ene Comité de Reforme kot bizin rentre en action et surveille sa bane la cazes kot péna bane qualités morales là. Et chaque, chaque fois faire zot comprend à travers bane bon conseils. Azir bien avec zot, pas cause avec zot avec l'arrogance, ni avec colère, azir dans bane bons manières, avec boucou de humilité et sympathie, de sorte ki chaque la caze l'enfer capave transformer en *Jannat* ene *Jannat* ki gagner en suivant Hazrat Muhammad (saw). Alors suivre le Sunnah de Hazrat Muhammad (saw) et rentre à l'ombre de sa *Jannat* là et lerlà l'ombre de sa *Jannat* là pou continuer répanne aller même si vraiment li le *Jannat* de Sunnah du Saint Prophète (saw).

Donc, sa c'est le message important ki demande à mettre en pratique toute suite, sans tarder. C'est la nature de l'homme sa kan tanne ene message montrer ene enthousiaste débordant mais après quelque temps, zot refroidi encore. Mais *Jihad* morale c'est ene *Jihad* très important et li ene partie naturel dans le *Jihad* universelle de l'Islam. Donc, autant ki possible faire bane zéffort pou sappe sa bane qualités dimounes là. Et si après ki ou fine faire tous bane zéfforts possible pou sappe zot mais ki là aussi zot pas sapper, ou soi ki zot en dehors ou limite pou sappe zot, sois ki ou bane zéfforts pas réussi, sois ki Allah so décret pas ti ena pou zot sappé, bé à ce moment là, c'est bane branches ki pou bizin couper et jeter. Pas pou capave prend zot ensemble pou avance devant.

Li meilleur ki après ki ou fine faire tout ou zéffort pou sappe zot mais ou pas fine réussi bé li meilleur ki ou coupe sa bane branches sec là ou mette ene côté et ou continuer ou voyage rapidement. Mais dans sa bane procédures là, premièrement ou bizin ena boucou de patience. Pendant ene certaine temps ou pou bizin avec boucou de patience et de *duah* et de sincérité et avec d'amour ou continuer conseil zot. Mais pas avec la haine, pas avec amertume. Donc, ou bizin essaye redresse zot. Ki Allah faire ki zot redresser. Mais si zot pas dresser, bé à ce moment là c'est Allah même ki pou jette zot ene côté. Alors li vine bien nécessaire faire l'éducation de sa bane dimounes là, explique zot aussi couma Allah (swt) content avec zot, ki Li fine mette zot dans so Jamaat accompagner de So Messenger Choisi ki c'est ene très grand *Laila-tul-Qadr* ki ou fine gagner dans ou la vie.

La venue d'ene Messenger d'Allah avec le Saint Esprit, pas tous les jours, ni mois, ni l'année ki gagne sa faveur divine là. Celui ki fine réussi trouve sa l'âge d'or là kot li vivant kan ene prophète d'Allah fine vini, bé li bizin faire tous pou accepter li et obéir li. Si ou rejette so message, c'est Allah même ki pou retire ou avec li. Donc gagne sa l'honneur pou reste en compagnie d'ene prophète d'Allah. Li fine vini pou redresse ou bane qualités morales et illumine ou avec bane connaissances du ciel, *Insha-Allah. Ameen*. Ki Allah donne moi le *Tawfeeq Insha-Allah* pou contigne troisième partie de sa Khutba Jummah là Vendredi prochain. *Insha-Allah, Ameen*.